

Byenveni kot enn bann spektak lanatir Losean Endyen. Sa pti zil, ki sorti dan lanmer dan en fason enpresyonnan, i kouper avek en lafore natirel ranpli avek diferan kalite laplant, e i annan en plato byen fertil lo kote sid. En lans ki borde avek pye koko, delo ki kler parey kristal, ek en brizan ranpli avek tou sord lespes, tousala ansanm i kre lanbyans en paradi tropikal.



Pandan de syek e de syek nanryen pa ti deranz bann zannimo ek laplant – zis tanzantan bann pirat ti mont ater pour anter zot trezor. Akoz i ti proteze par bann gro laroul danzere, nek apre 1851 ki dimoun ti kapab koloniz Arid. Zot ti koup bann pye dibwa, plant pye koko, e touy bann zwazo e ramas zot dizef par milye.

Kantmenm tousala, bann koloni zwazo lanmer, ki'n detrir par lera ek sat lo telman lezot zil, ti sirviv lo Arid.

Pa zis bann zwazo me tou zannimo ek laplant i ganny proteze isi, an kontan bann kare ek tortidmer ki mont ater pour ponn, ek bann pwason, kokiy ek koray ki viv lo bann brizan.

Ile Aride i rezerv zwazo pli enportan dan Sesel. I annan plis ki 750 mil per 10 diferan lespes zwazo lanmer ki ponn laba, plizyer milye fregat, ek 5 lespes zwazo later ki andemik Sesel, ankontan Pisantez, ki byen rar.



Kordonnyen/kelek

Lil Arid i en Rezerv Natirel Spesyal anba lalwa Sesael. I ti aste an 1973 par Christopher Cadbury pour Sosyete Rwayal pour Konservasyon Lanatir, en lorganizasyon konservasyon ki baze Grann Bretany. An 2004, bay ek responsabilite pour administre Ile Aride ti pas avek Sosyete pour Konservasyon bann Zil (ICS). I pa par aksidan ki Arid in telman byen proteze: i'n ganny administre avek bokou swen pour ki i annan mwens lenterferans posib avek son bann zannimo ek laplant telman varye. Silvouple pa oubliye ki nou tou nou zis bann envite lo en zil ki 'pour bann zwazo'.

- Silvouple retourn avek tou ou bann salte ler ou ale.
- Silvouple pa bezwen fimen andeor Langar Viziter.
- Silvouple pa bezwen sorti dan bann santye oubyen mont dan leo san en gid oubyen en gardyen avek ou.
- Silvouple pa bezwen touse oubyen deranz bann zwazo ek lezot zannimo.
- Silvouple pa bezwen ramas okenn kokiy, koray oubyen dizef – tousala i proteze anba lalwa.

Lendistri touris isi pa'n devlope par ekspre, akoz konservasyon bann zannimo ek laplant i sel bi sa rezerv. Lil Arid pa fer okenn profi. Sa larzan ki ou peye ler ou debarke, ansanm avek donasyon ki bann zanmi ek lezot lorganizasyon i donnen, i ede pour gard Lil Arid konman sa rezerv ki i'n vini e fer sir ki i kontinyen anrisir lanmer ek lesyel Losean Endyen pour ankor byen lontan.



Kare

ARIDE

S E Y C H E L L E S



Island Conservation Society
The Island Conservation Centre, PO Box 775, Seychelles
Tel: 375354 Fax: 376341 Email: ics@seychelles.sc

Aride Island Nature Reserve
Via Grand Anse GPO, Praslin, Seychelles
Tel: 321600 Email: aride@seychelles.net

Sponsored by **Wharf Hotel & Marina**

Designed by FDA +44 (0)1484 861611
Photography by John Bowler, Michael Gore, Colin Prior,
NHPA, Adrian Skerrett and Richard Waite



ARIDE

NATURE TRAIL

Zwazo lanmer

- 1 Kordonnyen/kekek *Anous tenuirostris*
- 2 Makwa *Anous stolidus*
- 3 Fansen *Sterna anaethetus*
- 4 Golet *Sterna fuscata*
- 5 Dyanman roz *Sterna dougallii*
- 6 Gran fregat *Fregata minor*
- 7 Payanke lake blan *Phaethon lepturus*


- 8 Payanke lake rouz
Phaethon rubricauda
- 9 Golan blan/dyanman blan *Cyglis alba*
- 10 Fouke dezil *Puffinus pacificus*
- 11 Riga *Puffinus lherminieri*

Zannimo lo later

- 12 Geko ver *Phelsuma astriata*
- 13 Geko bronz *Ailuroonyx sechellensis*
- 14 Soldo *Coenobita rugosus*
- 15 Gro milpat
Sechelleptus sechellarum
- 16 Lezar sek *Mabuya sechellensis*
- 17 Lezar tengteng *Mabuya wrightii*

Laplant ek zwazo lo later

- 18 Bwa torti *Morinda citrifolia*
- 19 Bwa sitron *Rothmannia annae*
- 20 Bwa mapou *Pisonia grandis*
- 21 Kalbas maron *Peponium sp.*
- 22 Pouldo *Gallinula chloropus*
- 23 Tourtrel dezil
Streptopelia picturata
- 24 Tourtrel koko *Geopelia striata*
- 25 Pti merl dezil
Acrocephalus sechellensis



Panorama Lil Arid

... enn bann pli zoli vi arsipl Sesel

